



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

LXI. De voce Custodum, & Exministrorum Provincialium Capuccinorum in
Hispaniis, Sardinia, & Majorica.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Translatio
præd. si festum
S. diem
feriarum ca-
dat.

præfatamque Indulgentiam consequen. aliquo die festivo, quam feriato accedere, & propterea Indulgentiam prædictam ad Dominicam intra Octavam festi prædicti, quoties illud in diem feriatum cadat, per Nos transferri summopere desideret. Nos ejusdem Procuratoris Generalis supplicationibus Nobis super hoc humiliter porrectis annuere volentes Indulgentiam hujusmodi per dictum Gregorium prædecessorem, ut præfertur concessam, quoad Ecclesias dictæ Societatis in Insula præfata consistentes dumtaxat, quoties Festum S. Ignatii prædictum in diem feriatum cadat ad Dominicam intra illius Octavam, itaut Christiani fideles in Ecclesiis hujusmodi ipsa Dominica adimplentes, eandem prorsus Indulgentiam consequantur, quam consequerentur, si eadem præmissa die festo præfato adimplerent, servata alias in omnibus, & per omnia Literarum prædictarum forma eadem Apostolica auctoritate tenore præsentium perpetuo etiam transferimus. In contrarium facien. non obstantibus quibuscumque.

Datum Romæ apud S. Mariam Majorem sub Annulo Piscatoris die XXX. Julii MDCXCV. Pontificatus Nostri Anno Quinto.

LX.

Dividitur Provincia Sardinie FF. Capuccinorum in duas.

Inn. XI. Const. ed. 1677. Nov. 7. P. 1. extat alia divisio Provinciae. Et Const. ed. 1679. Feb. 10. P. 3. erectio novæ Provinciae. Clem. vero XI. Const. ed. 1704. Mar. 1. P. 4. item divisio Provinciae.

Dat. 6. Aug.
1695. An. 5.

INNOCENTIUS PAPA XII.

Ad futuram rei memoriam.

Causæ Divi-
sionis.

PRO parte Charissimi in Christo Filii Nostri Caroli Hispaniarum Regis Catholici Nobis nuper exponi fecit dilectus Filius Nobilis Vir modernus Dux de Mædina Cæli ejusdem Caroli Regis apud Nos, & Sedem Apostolicam Orator, quod cum in Regno Sardinie, cujus ipse Carolus etiam Rex existit una dumtaxat Provincia Fratrum Ordinis Minorum S. Francisci Capuccinorum nuncupatorum reperiatur, eaque viginti duobus Conventibus, in quibus quadringenti, vel circiter Religiosi dicti Ordinis degunt, constet, ac pro illius visitatione quotannis necessario juxta eorum Constitutiones faciendâ, plusquam quadringentarum leucarum iter pedibus conficiendum sit, Ministri Provinciales Provincie hujusmodi plerumque in tam longa peregrinatione decedere, aut inutiles per reliquum vitæ eorum tempus remanere solent. Cum autem sicut eadem expositio subjungebat, in Capitulo Generali ejusdem Ordinis novissime celebrato pro ejusmodi incommodo tollendo, seu remedio illi rei adhibendo, decretum fuerit, ut memorata Provincia in duas dividatur: Nobis propterea memorati Caroli Regis nomine humiliter supplicatum fuit, ut opportunam ad id facultatem concedere de benignitate Apostolica dignaremur.

Preces Regis
Catholici.

§. 1. Nos igitur piis ejusdem Caroli Regis votis hac in re quantum cum Domino possumus, favorabiliter annuere volentes, hujusmodi supplicationibus inclinati, de Venerabilium Fratrum Nostrorum S. R. E. Cardinalium negotiis, & Consultationibus Episcoporum, & Regularium præpositorum, qui dilectos Filios Procuratorem, & Diffinitores Generales prædicti Ordinis audiverunt, consilio, & attentio, quod pro hoc ipso instant etiam dilecti Filii Minister Provincialis, & Custodes Provincie prædictæ, petitam facultatem dividendi eandem Provinciam auctoritate Apostolica tenore præsentium concedi-

Divisio d.
Provinciae in
duas.

mus, & impartimur; salva tamen semper in præmissis auctoritate Congregationis memoratorum Cardinalium.

§. 2. Decernentes eandem Literas firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit plenissime suffragari, & ab eis respective inviolabiliter observari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, necnon prædictorum Ordinis, & Provincie, etiam Juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & Literis Apostolicis, in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die VI. Aug. MDCXCVI. Pontificatus Nostri Anno Quinto.

Clausuræ.

1695

1695

LXI.

Confirmatur Decretum Congregationis particularis circa vocem Custodum, & Exministorum Provincialium FF. Capuccinorum in Regnis Hispaniarum, Sardinie, & Majoricæ in Diffinitoriis Provincialibus.

Const. ed. 1693. Mar. 29. P. 2. abrogati fuere Discreti. Et Const. ed. 1693. Sep. 12. P. 3. subrogati fuere Custodes, & Exministri. Clem. vero XI. Constit. ed. 1701. Aug. 28. P. 1. abrogantur Discreti in Provincia Handrobelgiae.

INNOCENTIUS PAPA XII.

Ad futuram rei memoriam.

UPER per Congregationem nonnullorum Venerabilium Fratrum Nostrorum S. R. E. Cardinalium a Nobis particulariter deputatorum accepto, quod ex abolitione Discretorum Conventualium olim eligi consuetorum pro Capitulis Provincialibus Provinciarum in Regnis Hispaniarum existentium, necnon Sardinie, & Majoricæ Ordinis Fratrum Minorum S. Francisci Capuccinorum nuncupatorum, necnon ex subrogatione eorum loco Custodum, & Exministorum Provincialium immediatorum, ipsarum Provinciarum, quas Nos non ita pridem de Congregationis hujusmodi consilio per quasdam nostras in simili forma Brevis Literas feceramus, ortum fuerat dubium: an Custodes, & Exministri Provinciales hujusmodi votum habere deberent in Diffinitoriis earundem Provinciarum, vel potius in solis functionibus Capitularibus, pro declaratione dubii hujusmodi emanavit ab eadem Congregatione Cardinalium Decretum tenoris, qui sequitur, videlicet. - Sacra Congregatio particularis Eminentissimorum, & Reverendissimorum Dominorum Cardinalium per Sanctissimum Dominum Nostrum deputata, censuit, ac declaravit, Custodes, & Exministros Provinciales immediatos vigore Brevium, de quibus agitur, non habere vocem in Diffinitoriis Provincialibus, sed solum in Capitulis: ac prop-

Dat. 14. Aug.
1695. An. 5.

Causa Decreti.

Decretum d.
Congregationis.

Preces Regis
Catholici.

tere in iungendum Nuncio Apostolico Hispaniarum, quatenus ita exequi curet. Romæ 24. Martii 1695. -- G. Cardinalis Carpineus -- A. Altituitus Secretarius.

Confirmatio
relati Decre-
ti.

§. 1. Cum autem, sicut pro parte Charissimi in Christo Filii Nostri Caroli Hispaniarum Regis Catholici, per dilectum Filium Nobilem Virum modernum Ducem de Medina Cæli ipsius Caroli Regis apud Nos, & Sedem Apostolicam Oratorem Nobis subinde expositum fuit, idem Carolus Rex præmissa, quo firmiter subsistant, & serventur exactius, Apostolicæ confirmationis nostræ patrocínio communiri summopere desideret: Nos piis dicti Caroli Regis votis hac in re quantum cum Domino possumus favorabiliter annuere volentes, supplicationibus ejusdem Caroli Regis Nomine Nobis super hoc humiliter porrectis inclinati, Decretum præsertum, auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robur adjicimus, ac omnes, & singulos Juris, & facti defectus, si qui desuper quomodolibet intellexerint, supplemus.

Claufulæ.

§. 2. Decernentes easdem præsentibus Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quancumque spectabit, in omnibus & per omnia plenissime suffragari, & ab illis respectivè inviolabiliter observari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, iudicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Quocirca Venerabili Fratri Friderico Archiepiscopo Mediolanen. moderno, & pro tempore existenti Nostro, & Apostolicæ Sedis in Regnis Hispaniarum hujusmodi Nuncio per præsentibus committimus, & mandamus, quatenus ipse per se, vel alium, seu alios ipsas præsentibus Literas, & in eis contenta quæcumque ubi, & quando opus fuerit, & quoties pro parte interesse in præmissis habentium, seu alicujus eorum desuper fuerit requisitus, solemniter publicis illisque in præmissis efficacis defensionis præsidio assistens, faciat auctoritate Nostra illos, & eorum quemlibet præsentium Literarum, & in eis contentorum eorumdem commodo, & effectu pacifice frui, & gaudere, non permittens illos desuper a quoquam quavis auctoritate quomodolibet indebitè molestari, perturbari, vel inquietari. Contradictores quoslibet, & rebelles per Sententias, Censuras, & pœnas Ecclesiasticas, aliaque opportuna Juris, & facti remedia, appellatione postposita, compescendo, ac legitimis super his habentibus Processibus, Censuras, & pœnas ipsas, etiam iteratis vicibus aggravando, invocato etiam ad hoc, si opus fuerit, auxilio Brachii Sæcularis.

§. 4. Non obstantibus præmissis, ac fel. rec. Bonifacii Papæ VIII. prædecessoris Nostri de una, & Concilii Generalis de duabus dietis, dummodo ultra tres dietas aliquis vigore præsentium in Judicium non trahatur, aliisque Constitutionibus, & Ordinationibus Apostolicis, necnon quatenus opus sit, Provinciarum, & Ordinis hujusmodi, etiam Juramento, confirmatione Apostolica, vel quavis alia firmitate roboratis, Statutis, & consuetudinibus, privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum inferentibus habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 5. Volumus autem, ut earumdem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem profus fides ubique locorum habeatur, tam in Judicio quam extra illud, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majori sub Anno Piscatoris die XIV. Augusti MDCXCV. Pontificatus Nostri Anno Quinto.

Confirmatur Decretum Ministri Generalis FF. Min. S. Francisci Reform. de electione Guardianorum, aliorumque Officialium, necnon familiarium pro Cœnobii recollectorum Provincia Romanæ.

Inn. XI. Const. ed. 1685. Apr. 16. P. 9. agitur de electione Officialium in Hispania. Et Clem. XI. Const. ed. 1705. Mar. 12. P. 5. de Procuratore Gener.

INNOCENTIUS PAPA XII.

Ad futuram rei memoriam.

Alias pro parte dilectorum filiorum Guardiani, & Discretorum Conventus S. Bonaventuræ de Urbe Ordinis Fratrum Minorum Sancti Francisci de Observantia Reformatorum nuncupatorum nobis exposito, quod cum apud eos in more positum reperiretur, ut pro tempore existens Guardianus dicti Conventus tamquam præfati, & aliorum Provincia Romanæ dicti Ordinis pro Recollectione, seu secessu Fratrum Reformatorum Ordinis hujusmodi assignatorum Conventuum Director, singulis annis occasione celebrationis Capituli Provincialis, seu Congregationis dictæ Provincie duos, aut tres Religiosos pro quolibet Conventuum hujusmodi Diffinitorio ejusdem Provincie præfaret, & ex iis unus arbitrio ipsius Diffinitorii unicuique ex Conventibus præfatis in Guardianum respectivè, præficeretur, necnon ulterius idem Guardianus Director solum quoddam nomina Religiosorum præ cæteris omnibus dictorum Conventuum Officiis aptiorum, ac in eis de familia respectivè collocandorum continens dicto Diffinitorio similiter exhiberet: solum vero hujusmodi a memorato Diffinitorio approbaretur, ac subinde a pro tempore existente Ministro Provinciali Provincie supradictæ subscriptum ipsi Guardiani Directori, adhuc ut ab eo executioni demandari posset, restitueretur; Mos hujusmodi plurimorum annorum spatio ob plenam, quam idem Guardianus Director de suis Subditis, eorumque qualitatibus notitiam habet, cum maxima Religiosorum secessus hujusmodi pace, & tranquillitate servatus fuerat. Et in eadem expositione subjuncto, quod iidem Guardianus, & Discreti verebantur ne progressu temporis probatum hunc morem in Divini servitii, ac religiosæ quietis perniciem variari, seu mutari contingeret; ac proinde pro eorum parte Nobis supplicato, quatenus eundem morem de cætero ab iis, ad quos spectat, & pro tempore spectasset, inviolabiliter servari mandaremus: Nos ejusmodi gratiæ concessionem per scriptum nostrum cum facultatibus necessariis remisimus arbitrio dilecti filii Bonaventuræ Poerii Ministri Generalis Ordinis supradicti, qui ejusdem rescripti vigore Decretum in præmissis edidit tenoris, qui sequitur, videlicet: Fr. Bonaventura Poerius Lector Jubilatus, totius Ordinis Fratrum Minorum S. P. N. Francisci Ministri Generalis, necnon auctoritate Sanctiss. D. N. Papæ XII. Commissarius Apostolicus, Servus &c.

LXII.

Dat. 12. Sept.
1695. An. 5.

Mos invaluerat, ut Guardianus S. Bonaventuræ solum Guardianorum, aliorumque Officialium, nec non familiarium Diffinitorio præfaret.

Decretum Ministri Generalis confirmans prædictum morem cum aliqua reformatione.

§. 1. Cum